

Intervju: Wolfgang Petritsch, Visoki predstavnik u BiH: “Krajnji cas za reforme”

Na sastanku Upravnog odbora Vijeca za implementaciju mira, vodjena ‘dubinska i sustinska’ diskusija o situaciji u BiH i u vezi BiH. “Nakon 11. septembra, jos slabiji fokus na BiH, sto ce se odraziti u jos manjoj pomoci i medjunarodnoj pristunosti u zemlji i jedina sansa su reforme”, izjavio Wolfgang Petritsch za SENSE – Odbor “duboko iritiran” SDS

Bruxelles/Brisel, 31. 10. (SENSE) – “Dan 11.septembar , kada su teroristi napali SAD, vazan je i za BiH. S jedne strane,Odbor Vijeca za implementaciju mira (PIC) je vrlo zadovoljan rezultatima borbe protiv terorizma i radom medjuintitetskog koordinacijskog tijela osnovanog u tu svrhu. S druge strane, istaknuto je da ce smanjenje donacija, s kojim je Bosna ionako suocena, biti, nakon 11. septembra, jos izrazenije. Paznja medjunarodne zajednice sad je na posve drugom kraju svijeta. Odbor je zato upozorio lokalne vlasti da je krajnji cas da shvate ozbiljnost svoje situacije i prihvate se provodjenja reformi.”, rekao je nakon završenog sastanka Upravnog odbora Vijeca za implementaciju mira, visoki predstavnik medjunarodne zajednice za BiH Wolfgang Petric.

Petric je u razgovoru sa SENSE, istakao jos dva politicka akcenta nakon sastanka Upravnog odbora PIC: jedan je da Odbor ocekuje da se primijeni izborni zakon kako bi izbori sljedece godine prosli u svakom pogledu regularno. Drugi je da je Odbor ‘duboko iziritiran, i krajnje nezadovoljan” nacinom na koji SDS koci reforme u Republici Srpskoj.

Prema Petricu,sastanak Upravnog odbora trajao je neubicajeno

dugo jer je diskusija o ekonomskim reformama, zahvaljujuci prisustvu predstavnika Svjetske banke i Medjunarodnog monetarnog fonda, bila 'dubinska i sustinska'. Model reformi, koji su sacinili Ured visokog predstavnika i vlada BiH, a koji, izmedju ostalog, obuhvaca privatizaciju, mirovinsko i zdravstveno osiguranje, poreze, poljoprivredu, zracni transport i zeljeznicu, Odbor je ocijenio vrlo dobrim. U domeni medijskih reformi, pohvaljeno je pokretanje Federalne televizije, i konstatirana pozitivna uloga susjedne Hrvatske u tom projektu.

Medjutim, Odbor je s zabrinutoscu konstatirao da lokalne vlasti ne poduzimaju ekonomske reforme dovoljno energicno, pa ih je uputio da shvate i prihvate da je krajnji cas da se reforme pocnu provoditi. Predstavnici Evropske komisije ukljucili su se u tu diskusiju, upozoravajuci na veliki kontrast izmedju susjedne Hrvatske koja je u ponedjeljak stupila, preko Sporazuma o Stabilizaciji i asocijaciji, u ugovorni odnos s Unijom, i Bosne, za koju se, kao sto je receno na Odboru, 'ne moze ni pretpostaviti kad bi se to moglo desiti'. Evropska komisija se plasi da bi Bosna sada mogla cak dodatno zaostati i u tom projektu i opet je moze izvuci samo ako lokalne vlasti preuzmu odgovornost za reforme.

Politicki direktori, koji uglavnom cine Upravni odbor PIC, posebno dugo zadrzali su se na Republici Srpskoj. Tamosnja ekonomska situacija opisana je kao dramaticna, a kao glavni krivac za neprovedjene reformi, imenovana je Srpska demokratska stranka, kaze Wolfgang Petric: "Sa strane SDS na djelu je totalna opstrukcija i Odbor zeli da se Banja Luci o tome prenese vrlo snazna politiccka poruka". U tome tonu visoki predstavnik govorit ce u ponedjeljak u Banja Luci, saznaje SENSE. "Cijelu diskusiju o SDS, Upravni odbor PIC vodio je, u krajnjoj nelagodi, a razina iritacije, dubokog nezadovoljstva i krajnjeg nedostatka strpljenja kad je u pitanju SDS i tamosnja situacija, bili su vrlo veliki i nece stati samo na

tome', izjavio je visoki predstavnik za SENSE.